

II

Razlika između ostvarenih prihoda, primitaka i izvršenih izdataka po završnom računu u iznosu od 1.082.885,79 KM prenosi se u budžet 2003. godine, iz koje će biti isfinansirani započeti tekući i kapitalni izdaci u 2002. godini i to:

a) kapitalni izdaci	615100	293.280,50 KM
	821200	110.185,55 KM
	821300	71.853,00 KM
b) tekući izdaci	614100	15.000,00 KM
	614200	69.566,74 KM
	614300	23.000,00 KM
c) Ukupno a + b		582.885,79 KM.

Preostali dio od 500.000,00 KM predviđen je budžetom za 2003. godinu, kao prenesena sredstva iz 2002. godine, kojim je i raspoređen.

III

Ukupno izvršenje prihoda i izdataka na nivou Općine Novi grad Sarajevo uključujući sve prihode i izdatke koji su ostvareni u 2002. godini prikazani su u bilansu prihoda i rashoda kako slijedi:

IV

Izvršeni izdaci po korisnicima iznose 10.886.309,37 KM dati su u posebnom prilogu izvršenja budžeta Općine Novi grad Sarajevo za period 01. 01. do 31. 12. 2002. godine.

V

Izvršetak o izvršenju budžeta i završni račun Općine Novi grad Sarajevo za period 01. 01. - 31. 12. 2002. godine bit će objavljen u "Službenim novinama Kantona Sarajevo".

Broj 01-02-126/14	Predsjedavajući Općinskog
26. marta 2003. godine	vijeća Novi grad Sarajevo
Sarajevo	<b>Esad Jelešković, s. r.</b>

Na osnovu čl. 32. i 90. Statuta Općine Novi grad Sarajevo ("Službene novine Kantona Sarajevo", broj 13/01 - prečišćeni tekst) i člana 41. Poslovnika o radu Općinskog vijeća ("Službene novine Kantona Sarajevo", broj 10/98), Općinsko vijeće Novi grad Sarajevo, na 31. sjednici održanoj 26. marta 2003. godine, donijelo je

**ODLUKU**

**O POKRETANJU POSTUPKA ZA DONOŠENJE  
STATUTA OPĆINE NOVI GRAD SARAJEVO**

Član 1.

Pokreće se postupak za donošenje novog Statuta Općine Novi grad Sarajevo, radi usklađivanja sa novim ustavnim rješnjima i drugim važećim propisima kojima se uređuju nadležnosti, prava i dužnosti općine u izvršavanju njenih osnovnih funkcija.

Član 2.

Zadužuje se Stručna služba Općinskog vijeća da uz stručnu pomoć Komisije za Statut Općinskog vijeća, pripremi Nacrt statuta i dostavi ga Općinskom vijeću na razmatranje, najkasnije do 15. maja 2003. godine.

Član 3.

Općinsko vijeće Novi grad Sarajevo će u skladu sa utvrđenom procedurom i rokovima sadržanim u Programu rada Općinskog vijeća za 2003. godinu utvrditi Nacrt ovog akta i staviti ga na javnu raspravu.

Član 4.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-02-126/1	Predsjedavajući Općinskog
26. marta 2003. godine	vijeća Novi grad Sarajevo
Sarajevo	<b>Esad Jelešković, s. r.</b>

Na osnovu čl. 36. i 43. Zakona o radnim odnosima i plaćama službenika organa uprave u Kantonu Sarajevo ("Službene novine Kantona Sarajevo", br. 13/98, 16/98, 19/99 i 20/01) i člana 32. Statuta Općine Novi grad Sarajevo ("Službene novine Kantona Sarajevo", broj 13/01 - prečišćeni tekst), Općinsko vijeće Novi grad Sarajevo, na 31. sjednici održanoj 26. marta 2003. godine, donijelo je

**ODLUKU**

**O IZMJENI I DOPUNI ODLUKE O KOEFICIJENTIMA  
ZA PLAĆE SLUŽBENIKA, RUKOVODEĆIH  
SLUŽBENIKA, NADREĐENIH SLUŽBENIKA I  
NAMJEŠTENIKA**

Član 1.

U Odluci o koeficijentima za plaće službenika, rukovodećih službenika, nadređenih službenika i namještenika ("Službene novine Kantona Sarajevo", broj 31/01), u članu 1. iza riječi "uprave" stavlja se zarez i dodaju riječi: "Pravobranilaštvo Općine Novi grad Sarajevo".

Član 2.

U članu 2. stav 1. u tački 1. iza riječi: "općinski načelnik" dodaju se riječi: "i Općinsko vijeće".

U istom članu stav 1. tačka 1. alineja 3. broj "8,50" zamjenjuje se brojem "9,00", a u alineji 4. broj "8,30" zamjenjuje se brojem "8,50", a u tački 2. dodaje se alineja 1 " -stručni savjetnik u Pravobranilaštvu Općine 8,00".

Dosadašnje alineje 1. i 2. postaju alineje 2. i 3.

Član 3.

Iza člana 3. dodaje se novi član 3a. koji glasi:

"Općinski pravobranilac donosi Pravilnik o plaćama i drugim primanjima službenika u Pravobranilaštvu u skladu sa ovom odlukom.

Član 4.

Ova odluka stupa na snagu danom donošenja a objavit će se u "Službenim novinama Kantona Sarajevo".

Broj 01-02-126/2	Predsjedavajući Općinskog
26. marta 2003. godine	vijeća Novi grad Sarajevo
Sarajevo	<b>Esad Jelešković, s. r.</b>

Na osnovu čl. 49., 55. i 56. stav 2. Zakona o prostornom uređenju ("Službene novine Kantona Sarajevo", br. 13/99, 19/99 i 24/01) i člana 73. Statuta Općine Novi grad Sarajevo ("Službene novine Kantona Sarajevo", broj 13/01 - prečišćeni tekst), Općinsko vijeće Novi grad Sarajevo na svojoj 31. sjednici održanoj 26. marta 2003. godine, donijelo je

**ODLUKU**

**O USVAJANJU IZMJENA I DOPUNA  
URBANISTIČKOG PROJEKTA POSEBNOG  
PODRUČJA "MOJMILO"**

Član 1.

Usvajaju se izmjene i dopune Urbanističkog projekta posebnog područja "Mojmilo" (u daljem tekstu: Plan).

Član 2.

Plan se sastoji od tekstualnog i grafičkog dijela.

Tekstualni dio sadrži:

- projekciju izgradnje i uređenja obuhvata se mjerama i aktivnostima za provođenje plana (odnos prema Planu višeg reda, prostorni obuhvat postojeće stanje namjena površina, prostorna organizacija površina i urbanističko-tehničke pokazatelje),
- Odluku o provođenju Plana.

Grafički dio sadrži:

- urbanizam prezentiran na odgovarajućem broju tematskih karata,
- saobraćajno rješenje (parterna etaža i peta fasada),
- idejno rješenje višeetažnog parkinga,
- idejno rješenje školskog objekta - Gimnazije.

Član 3.

Po jedan primjerak ovjerenog Elaborata nalazi se na stalnom uvidu i čuva se u Općinskoj službi za urbanizam, stambene i komunalne poslove Općine Novi grad Sarajevo i Zavodu za planiranje razvoja Kantona Sarajevo.

Član 4.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-126/3                      Predsjedavajući Općinskog  
26. marta 2003. godine              vijeća Novi grad Sarajevo  
Sarajevo                                      **Esad Jelešković, s. r.**

Na osnovu člana 37. st. 2. i 56. Zakona o prostornom uređenju ("Službene novine Kantona Sarajevo", br. 13/99, 19/99 i 24/01) i čl. 15. i 32. Statuta Općine Novi grad Sarajevo ("Službene novine Kantona Sarajevo", broj 13/01 - prečišćeni tekst), Općinsko vijeće Novi grad Sarajevo na 31. sjednici održanoj 26. marta 2003. godine, donijelo je

**ODLUKU**

**O PROVOĐENJU IZMJENA I DOPUNA  
URBANISTIČKOG PROJEKTA POSEBNOG  
PODRUČJA "MOJMILO"**

Član 1.

Ovom odlukom utvrđuje se provođenje Izmjena i dopuna Urbanističkog projekta posebnog područja "Mojmilo" (u daljem tekstu: Urbanističkog projekta), a naročito: granice prostorne cjeline i granice površina predviđenih namjena, urbanističko-tehnički uvjeti za izgradnju građevina, uređenje građevinskog zemljišta, privremeno korištenje površina, uređenje zelenih i slobodnih površina i uvjeti pod kojima se djelatnosti mogu obavljati u objektima i površinama.

Član 2.

Granica koja definiše prostor na koji se odnosi Urbanistički projekat počinje od raskršća Južne longitudinalne (ulica Safeta Hadžića) i IX transverzale te ide u pravcu juga te jugozapada osovinom IX transverzale i dolazi do tačke broj 1 koja se nalazi na osovini IX transverzale udaljenoj od sjeveroistočnog ishodišta lista R = 1:1000 broj 246 po y=133,5 m a po x=197,5 m, lomi se idući na sjeverozapad u pravoj liniji te dolazi do tačke broj 2 koja je udaljena od sjeveroistočnog ishodišta lista R = 1:1000 broj 246 po y=161,5 m a po x=166,5 m, lomi se idući na sjeveroistok u pravoj liniji te dolazi do tačke broj 3 koja je udaljena od sjeveroistočnog ishodišta lista R = 1:1000 broj 246 po y=74,5 m a po x=71 m, lomi se idući na jugoistok u pravoj liniji te dolazi do tačke broj 4 koja je udaljena od sjeveroistočnog ishodišta lista R = 1:1000 broj 246 po y=66 m a po x=78 m, nastavlja na sjeverozapad te sjever idući saobraćajnicom koja spaja postojeće sklonište i parking prostor (obuhvata je) presjeca Olimpijsku ulicu i dolazi do tačke broj 5 koja je udaljena od jugoistočnog

ishodišta lista R = 1:1000 broj 224 po y=64,5 m a po x=10,5 m, ide na zapad u pravoj liniji i dolazi do tačke broj 6 koja je udaljena od jugoistočnog ishodišta lista R = 1:1000 broj 224 po y=69 m a po x=9,5 m, nastavlja u pravoj liniji na jugozapad i dolazi do tačke broj 8 koja je udaljena od jugoistočnog ishodišta lista R = 1:1000 broj 224 po y=120,5 m a po x=14,5 m, lomi se u blagom luku na sjeverozapad i dolazi do tačke broj 9 koja je udaljena od jugoistočnog ishodišta lista R = 1:1000 broj 224 po y=128,5 m a po x=20 m, produžava na sjeverozapad idući u pravoj liniji i dolazi do tačke broj 10 koja se nalazi na trasi Južne longitudinalne (ulica Safeta Hadžića) k. č. 3474/2 udaljenoj od jugoistočnog ishodišta lista R = 1:1000 broj 224 po y=145 m a po x=105 m, produžava na sjeveroistok idući osovinom Južne longitudinalne (ulica Safeta Hadžića) te dolazi do raskršća iste i IX transverzale odnosno mjesta odakle je opis granice Urbanističkog projekta i počeo.

Sve naprijed navedene parcele nalaze se u K.O. Novo Sarajevo III.

Ukupna površina obuhvata iznosi 2,3 ha.

Član 3.

Unutar granica iz člana 2. ove odluke definisane su površine sa slijedećim namjenama:

A. Površina namijenjena školskom objektu-gimnaziji

B. Površina namijenjena višeetažnom parkiralištu

A. Površina namijenjena školskom objektu-gimnaziji obuhvata područje čija granica počinje od raskršća Južne longitudinalne k.č. 3474/2 (ulica Safeta Hadžića) i IX transverzale te ide u pravcu juga zapadnom stranom IX transverzale koju ne obuhvata i dolazi do njenog raskršća sa Olimpijskom ulicom kojom produžava na zapad idući njenom osovinom u dužini od 40,0 m, skreće na sjeverozapad idući saobraćajnicom koja spaja postojeći parking i sklonište (obuhvata je) i dolazi do tačke broj 1 koja je udaljena od jugoistočnog ishodišta lista R = 1:1000 broj 224 po y=64,5 m a po x=10,5 m, ide na zapad u pravoj liniji i dolazi do tačke broj 2 koja je udaljena od jugoistočnog ishodišta lista R = 1:1000 broj 224 po y=69 m a po x=9,5 m, ide na sjeverozapad u pravoj liniji i dolazi do tačke broj 3 koja je udaljena od jugoistočnog ishodišta lista R = 1:1000 broj 224 po y=72 m a po x=24,5 m, nastavlja u pravoj liniji na jugozapad i dolazi do tačke broj 4 koja je udaljena od jugoistočnog ishodišta lista R = 1:1000 broj 224 po y=120,5 m a po x=14,5 m, lomi se idući u blagom luku na sjeverozapad i dolazi do tačke 5 koja je udaljena od jugoistočnog ishodišta lista R = 1:1000 broj 224 po y=128/5 m a po x=20 m, produžava na sjeverozapad idući u pravoj liniji te dolazi do tačke broj 6 koja se nalazi na trasi Južne longitudinalne (ulica Safeta Hadžića) k.č. 3474/2 udaljenoj od jugoistočnog ishodišta lista R = 1:1000 broj 224 po y=145 m a po x=105 m, nastavlja na sjeveroistok idući trasom Južne longitudinalne koju ne obuhvata i dolazi do raskršća iste i IX transverzale odnosno mjesta odakle je opis granice školskog objekta-gimnazije i počeo.

Sve naprijed navedene parcele nalaze se u K.O. Novo Sarajevo III.

Ukupna površina obuhvata iznosi 1,19 ha.

B. Površina namijenjena višeetažnom parkiralištu obuhvata područje čija granica polazi od raskršća IX transverzale i Olimpijske ulice te ide na jugozapad trasom IX transverzale koju ne obuhvata i dolazi do tačke broj 1 koja se nalazi na IX transverzali udaljenoj od sjeveroistočnog ishodišta lista R = 1:1000 broj 246 po y=133,5 m a po x=197,5 m, lomi se idući na sjeverozapad u pravoj liniji te dolazi do tačke broj 2 koja je udaljena od sjeveroistočnog ishodišta, lista R = 1:1000 broj 246 po y=161,5 m a po x=166,5 m, nastavlja na sjeveroistok u pravoj

liniji i dolazi do tačke broj 3 koja je udaljena od sjeveroistočnog ishodišta lista R = 1:1000 broj 246 po  $y=74,5$  m a po  $x=71$  m, produžava na jugoistok u pravoj liniji i dolazi do tačke broj 4 koja je udaljena od sjeveroistočnog ishodišta lista R = 1:1000 broj 246 po  $y=66$  m a po  $x=78$  m, nastavlja na sjeveroistok te sjever idući saobraćajnicom koja spaja postojeće parkiralište i sklonište (obuhvata je) i dolazi do Olimpijske ulice kojom nastavlja na istok idući njenom osovinom i dolazi do raskršća iste i IX transverzale odnosno mjesta odakle je opis granice površine namijenjene za višetažno parkiranje i počeo.

Sve naprijed navedene parcele nalaze se u K.O. Novo Sarajevo III.

Ukupna površina obuhvata iznosi 0,82 ha.

#### Član 4.

Urbanističko-tehnički uvjeti za izgradnju građevina:

- Regulacija svih građevina i zgrada unutar granica iz člana 2. ove odluke vrši se na građevinskom zemljištu ograničenom regulacionim i građevinskim linijama.
- Građevinska linija utvrđuje prostor na kome je dozvoljeno lociranje i izgradnja zgrada.
- Prizemlje zgrade ne može preći građevinsku liniju. U višim etažama je moguće pojedinim djelovima objekta preći preko građevinske linije, ali ne više od 3,0 m i to pod uvjetom da istureni dio nema oslonac na nivou partera.
- Kote podova utvrđene u ovom urbanističkom projektu u pravilu poštovati ali su moguće korekcije od  $\pm 10,0$  cm.
- Maksimalne visine zgrada utvrđene ovim urbanističkim projektom se ne mogu mijenjati.
- Arhitektonski objekti predviđeni za izgradnju ovim urbanističkim projektom moraju se realizovati najvećim dijelom prema Idejnim projektima koji su sastavni dio dokumentacije ovog urbanističkog projekta.
- Svi arhitektonski objekti predviđeni za izgradnju ovim urbanističkim projektom moraju biti oblikovani i građeni od savremenih materijala.
- Uređaji i instalacije koji su u funkciji objekata moraju se smjestiti u okviru osnovnog gabarita arhitektonskog objekta.
- Svi arhitektonski objekti predviđeni za izgradnju ovim urbanističkim projektom moraju biti projektovani i izvedeni prema uvjetima predviđenim za 8AMCS skale.
- Prije izdavanja građevinske dozvole za građenje arhitektonskih i drugih objekata potrebno je pribaviti detaljan geološko-inženjerijski nalaz i uvjete temeljenja za ove radove od ovlaštene institucije.
- Unutar granica opisanih u članu 2. ove odluke, postavljanje privremenih objekata se ne može odobriti izuzimajući za potrebe gradilišta.
- Privremeni objekti postavljeni za potrebe gradilišta, moraju se ukloniti prije početka tehničkog prijema zgrade.
- Unutar granica opisanih u članu 2. ove odluke, postavljanje pomoćnih objekata se ne može odobriti u koliko nisu predviđeni ovim urbanističkim projektom.

#### Član 5.

Mora se ispoštovati uvjet Kantonalnog ministarstva za promet i komunikacije a to je, da za broj parking mjesta, koji se uništava na postojećem parking u izgradnjom Gimnazije, investitor je dužan prije početka izgradnje, objekta Gimnazije, izgraditi i pustiti u funkciju novu etažu parking prostora na lokaciji iznad skloništa u naselju "Mojmilo".

#### Član 6.

Uređenje građevinskog zemljišta se mora izvesti u obimu i na način kako je to predviđeno ovim projektom. Izgradnja građevina

ne može se započeti bez prethodno minimalnog uređenja građevinskog zemljišta pod čim se podrazumijeva obezbjeđenje saobraćajnog pristupa, priključenje na vodovodnu, kanalizacionu i elektroenergetsku mrežu, eventualnog izmještanja vodova komunalne infrastrukture.

#### Član 7.

Privremeno korištenje površina u području obuhvaćenom Urbanističkim projektom se ne može odobriti ni u koje svrhe.

#### Član 8.

- Uređenje zelenih površina se mora izvršiti na osnovu projekta sadnje čiju osnovu čini idejno rješenje hortikulture koje je sastavni dio dokumentacije ovog projekta.
- Uređenje zelenih površina u okviru pojedinih namjena prostora iz člana 3. ove odluke mora se izvršiti prije tehničkog prijema predviđenih arhitektonskih i drugih objekata.
- Tehnički prijem arhitektonskih i drugih objekata podrazumijeva i prijem izvedenih radova na uređenju zelenih površina.

#### Član 9.

Može se predvidjeti izgradnja skloništa za sklanjanje ljudi i materijalnih dobara u slučaju neposredne ratne opasnosti i rada u okviru školskog objekta u podrumu koje će u miru imati namjenu za druge potrebe (kao što je biblioteka sa čitaonom i sl.), a u skladu sa članom 179. Zakona o odbrani Federacije Bosne i Hercegovine ("Službene novine Federacije BiH", broj 15/96).

#### Član 10.

Javne površine privedene konačnoj namjeni se ne mogu zaposjedati drugim objektima, osim za potrebe javnog gradskog saobraćaja, a u svrhu postavljanja nastrešnica za putnike na stanicama javnog gradskog saobraćaja.

#### Član 11.

Glavni ulaz u školu za dake i nastavnike je usmjeren na "IX transverzalu". Na ovoj transverzali mora se na trotoaru izgraditi zaštitna ograda duž cijelog školskog prostora radi usmjeravanja korištenja pješačkih prelaza na raskrsnicama.

Ne dozvoljava se iscrtavanje pješačkog prelaza prema trolejbuskoj okretnici na sredini saobraćajnice IX transverzale, između ulica Safeta Hadžića i Olimpijska.

#### Član 12.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-126/4	Predsjedavajući Općinskog
26. marta 2003. godine	vijeća Novi grad Sarajevo
Sarajevo	<b>Esad Jelešković, s. r.</b>

Na osnovu člana 30. Zakona o lokalnoj samoupravi ("Službene novine Kantona Sarajevo", broj 22/00 - prečišćeni tekst) i člana 75. Statuta Općine Novi grad Sarajevo ("Službene novine Kantona Sarajevo", broj 13/01 - prečišćeni tekst), Općinsko vijeće Novi grad Sarajevo, na 31. sjednici održanoj 26. marta 2003. godine, donosi

### ODLUKU

#### O IZMJENI ODLUKE O KRITERIJIMA ZA DODJELU POMOĆI U GRAĐEVINSKOM MATERIJALU RASELJENIM I SOCIJALNO UGROŽENIM LICIMA

#### Član 1.

U Odluci o kriterijima za dodjelu pomoći u građevinskom materijalu raseljenim i socijalno ugroženim licima ("Službene novine Kantona Sarajevo", broj 11/01- prečišćeni tekst), član 6. stav 1. mijenja se i glasi: